



Broj: 01-23/24
Vareš, 31.01. 2024. godine

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine F BiH“, broj: 49/06) i člana 22. Statuta Općine Vareš – Prečišćeni tekst, broj: 01-162/12 od 11.09.2012. godine, Općinsko vijeće Vareš na 32. sjednici održanoj 31.01. 2024. godine, d o n o s i

O D L U K U
o utvrđivanju visine naknade članovima organa upravljanja
javnih preduzeća čiji je osnivač Općina Vareš

Član 1.

Ovom Odlukom utvrđuje se visina naknade za rad i angažman članova organa upravljanja javnih preduzeća čiji je osnivač Općina Vareš i to za:

1. Javno komunalno preduzeće d.o.o. Vareš,
2. Javno preduzeće „Vareš stan“ d.o.o. Vareš i
3. Javno preduzeće „Veterinarska stanica“ d.o.o. Vareš.

Član 2.

Visina naknade utvrđuje se za sljedeće organe javnih preduzeća:

1. Skupština i
2. Nadzorni odbor

Član 3.

Visina naknade za predsjednika skupštine i predsjednika nadzornog odbora iz člana 2. ove Odluke utvrđuje se u najvišem iznosu do 300,00 (tristotine) KM, za prisustvovanje po održanoj sjednici.

Visina naknade za članove skupštine i članove nadzornog odbora iz člana 2. ove Odluke utvrđuje se u najvišem iznosu do 250,00(dvijestotinepedeset) KM, za prisustvovanje po održanoj sjednici.

Član 4.

Skupštine javnih preduzeća će svojim odlukama utvrđivati visinu naknade koja ne može biti veća od najvišeg iznosa utvrđenog u članu 3. ove Odluke, uzimajući u obzir rezultate poslovanja, finansijske i druge pokazatelje javnih preduzeća.

Član 5.

Naknada za članove organa upravljanja će se isplaćivati iz sredstava javnih preduzeća.

Član 6.

Javna preduzeća dužna su primjenjivati ovu Odluku od dana njenog stupanja na snagu, a svoje akte uskladiti sa njenim odredbama u roku od 12 (dvanaest) mjeseci.

Član 7.

Za realizaciju ove Odluke zadužuju se Skupštine i direktori javnih preduzeća.

Član 8.

Danom primjene ove Odluke, prestaje da važi Odluka o utvrđivanju visine naknade članovima organa upravljanja javnih preduzeća čiji je osnivač Općina Vareš (Prečišči tekst broj: 01-130/23 od 23.05. 2023. godine).

Član 8.

Ova Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆA
OPĆINSKOG VIJEĆA**

Mahira Brkić

Odluka je objavljena na oglasnoj tabli Općine Vareš 01.02. 2024. godine.

OPĆINSKI NAČELNIK

Zdravko Marošević

**Obrazloženje Odluke o izmjeni i dopunama Odluke
o utvrđivanju visine naknade članovima organa upravljanja
javnih preduzeća čiji je osnivač Općina Vareš**

PRAVNI OSNOV

Sadržan je u članu 8. i 13. Zakona o principima lokalne samouprave, kojim je određena nadležnost jedinica lokalne samouprave za rješavanje pitanja od lokalnog značaja, kao i nadležnosti Vijeća a članom 22. Statuta Općine Vareš, utvrđena je nadležnost Općinskog vijeća u donošenju Odluka i općih akata.

RAZLOZI ZA DONOŠENJE

Postupajući po Zaključku Općinskog vijeća sa 31. sjednice koja je održana 28.12. 2023. godine, gdje se Općinskom načelniku nalaže da pripremi Odluku o izmjenama Odluke o utvrđivanju visine naknade članovima organa upravljanja javnih preduzeća, a vezano za zaključke Skupštine JKP d.o.o. Vareš pripremljena je nova Odluka.

Zaključakom Skupštine JKP d.o.o. Vareš broj:724-12/23 od 20.12. 2023. godine obavještava se Općinsko vijeće i Općinski načelnika da je Općinsko vijeće izašlo iz okvira svojih nadležnosti donošenjem Odluke o utvrđivanju visine naknade članovima organa upravljanja javnih preduzeća čiji je osnivač Općina Vareš broj:01-130/23 od 23.05. 2023. godine.

Dalje je navedeno da je Skupština, kao najviši organ upravljanja u skladu sa članom 234. o) Zakona o privrednim društvima (Sl. novine FBiH broj: 81/15 i 75/21) nadležna za donošenje predmetne Odluke te ista nije u skladu sa Zakonom o privrednim društvima te je potrebno zakonski urediti.

Zakonom o privrednim društvima (Sl. novine FBiH broj: 81/15 i 75/21) članom 234. su regulisana pitanja o kojima odlučuje Skupština i to:

o) naknadama članova nadzornog odbora i odbora za reviziju;

Drugim Zaključkom Skupštine JKP d.o.o. Vareš broj:724-12/23 od 20.12. 2023. godine iznosi se mišljenje da se visine naknada organa upravljanja izjednače jer se ranijim odlukama napravila napravila velika disproporcija između visine naknade nadzornog odbora i Skupštine.

Općinsko vijeće, kao osnivač javnih preduzeća, može utvrditi gornju granicu visine naknade a Skupštine javnih preduzeća će svojim odlukama utvrđivati visinu naknade koja ne može biti veća od najvišeg iznosa utvrđenog u članu 3. ove Odluke, uzimajući u obzir rezultate poslovanja, finansijske i druge pokazatelje javnih preduzeća.

Takođe je prihvaćeno i mišljenje o izjednačavanju visina naknada članovima organa upravljanja.

Rad i funkcionisanje Zakonom utvrđenih organa upravljanja u Javnim preduzećima zavisi i od stimulativnih mjera odnosno utvrđivanja visine naknada za rad i angažman zavisno od materijalnih mogućnosti pravnog subjekta.

Za realizaciju ove Odluke potrebna su finansijska sredstva, koje će Javna preduzeća utvrditi u svom godišnjem planu rada.

Ova Odluka nije u suprotnosti sa Zakonom o privrednim društvima i nadležnostima Skupštine te se predlaže da se usvoji u predloženom obliku.

**PREDLAGAČ
OPĆINSKI NAČELNIK
Zdravko Marošević**